

Universitätsbibliothek Paderborn

**R. P. Lucae Pinelli Societatis Jesu Theologi, De
Perfectione Religiosa, Et Obligatione, Qvam Qvisque
Religiosus ad eam consequendam habet. Libri Quatvor**

Pinelli, Luca

Mogvntiae, 1604

XXVIII. Epilogus de obedientia religiosa.

[urn:nbn:de:hbz:466:1-46699](#)

mihi placet Humilitas enim est obedientie
mater, & altera sine altera cōsistere nequit.
Superbus non vult se cuiquam subiicere qui
autem non se subiicit, non potest esse obe-
diens. Superbia, quia subditum reuocat ab
exequendis Superiorum mandatis, & meri-
tum omne eripit, & auget afflictionem.

Epilogus de Obedientia religiosa.

CAPUT XXVIII.

FILI, perfecta obedientia requirit pro-
prij abnegationem, integrum volunta-
tis resignationem, & exactam mandatorum
executionem. Verus obediens, non respicit
personam imperantis, & cui ille obedit, sed
in ea oculum coniicit in Deum, cuius amo-
re obedit. Verus obediens, non desinit obe-
dire, etiamsi in modo imperandi sciat esse
erratum. Nec resilit ab obedientia, si Supe-
rior sit imprudens, vel alij imperfectione
obnoxius. Errat, qui idcirco obedit, vt à su-
periore magni fiat, vel vt aliquid ab eo ob-
tineat; quia amore mei obediendum est;
Verus obediens, quo tempore aliquid iube-
tur, non fugit, non latebras quærit, sed po-
tius se ad iussa paratum offert. Verus obe-
diens nihil pensi habet, sicut à primario su-
periore

periore vel subordinato, hoc vel illud ordinatum, sed pari promptitudine utriusque mandata excipit. Qui mault in una potius quam in alia reparare, non meretur nomen veri obedientis. Qui libentiūs vni quam alteri superiori obedit, non est perfectus obediens. Qui procurat sibi imperari quod optat, potius perdit, quam lucretur. Verus obediens non explorat quare vel quomodo hoc vel illud sit iniunctum, sed satis est ei, scire esse iniunctum. Perfectus obediens, ut obedientiam perfectam faciat, relinquit opera sua imperfecta. Qui paret Superiori, quia prudēs est, benevolus, spiritualis, dexter, liberalis, hallucinatur, quia obediendū est illi tantum, quia vices meas gerit. Imagini meae nō exhibetur reverentia, propter aurum & argentum ex quo conflata est, sed quia me repräsentat. Vnde æquè illi honor exhibetur, si è charta vel ligno confecta sit, ac si ex auro vel argento. Haud secus Superiori honor omnis & obedientia deferri debet, non ob virtutes quibus prædictus est, sed quia vices meas gerit, & me repräsentat.

FINIS.
LIBER.